

四庫禁燬書叢刊編纂委員會

北京出版社

四庫禁燬書叢刊

集部第一二五冊目次

蒼霞續草二十二卷(二)

〔明〕葉向高撰
明萬曆刻本

一

蒼霞餘草十四卷

〔明〕葉向高撰
明萬曆刻本

三六五

燕林藏稿十卷附楚風一卷

〔明〕余紉蘭撰
明崇禎刻本

五八五

蒼霞續草二十二卷(二)

〔明〕葉向高撰

明萬曆刻本

北京大學圖書館藏

蒼霞集草卷之六目錄

少師瑤泉先生八十蒙 恩存問序

沈龍翁八十壽序

少保昆田邢公偕配一品王夫人雙壽序

衡野劉先生七十壽序

許母舒老夫人八十壽序

誥封喻母徐太夫人七十壽序

鴻宇陳公八十壽序

封君見峰張公壽序

鄧母莫孺人壽序

悅山陳封君七十壽序

愛我休翁偕配方孺人雙壽崇封序

王康國六十壽序

念雲龔公壽序

蒼霞集草卷之六目錄

李

蒼霞集草卷之六

福清葉向高進卿甫著

少師瑤泉先生八十蒙 恩存問序

吳門申公致相事歸廿餘年于茲先是 天子冊

立青宮念羽翼功及上壽 慈闈兩遣使存公于

家又十餘年而公局八十 天子更念公帷幄勤

勞茲去國之日長優遊林壑國禎人瑞近世罕儔

再遣使齋 璽書金幣往存公吳之縉紳大夫欣

逢盛事徵余言以介公壽余海上孤生素無根抵

濫陪詞苑薦至今茲本之皆出自公而年來政地

蒼霞集草卷之六

卷之六

艱難余以奉職無狀困于人言公數貽書慰勉若

深憐其苦心而欲爲之枚枋以展幾爲國家效一

日之用公之始終知余如此乃余淺見寡聞何足

以知公而揄揚其萬一竊嘗謂一代之興其氣運

所鍾必有獨盛之時當此獨盛之時其上必有久

道成化之君以凝承鼎命其下亦必有黃髮壽考

之臣以共迓天休三代毋論卽近之而宋其最盛

者無過于慶曆其主享國最久時則有文潞公韓

魏公以名德元臣居輔相之任及退而在野猶能

使人主眷念不衰四海望之以爲神仙遨遊塵世

其一時太平有道之景象可想見也明興重熙累
洽振古所無今上以神聖御宇四十餘年海內
晏然固亦本朝極盛之時也而先後輔相之臣最
簡帝心進退綽然完祉備休極生人之樂如潞
公魏公者宜莫如申公公弱冠射策第一綠鬚而
秉國成當是時解急張之弦弛凝脂之網與天下
更始天下淳和之脉幾絕而公默延之曩時直諫
敢言之士鐵羽隱鱗者悉登進于有位而驟躋之
顯庸于是韜鐸弘開士大夫皆發舒其所欲吐伏
蒲折檻勢不能無摧折公時爲之柔逆鱗以培士
氣宛轉調護常至再三而上不疑其比也四方
有所條白而機或中闕上意有所欲出而情或
下闕公時爲之批郤導窾務中事機至于大本大
計所在有口舌所不能爭者未嘗不陰持默護務
以回人主之心而上不責其拂也公柄政若
而年中外又安勲業日盛乃終不易其東山之志
乞骸之章至數十上慰諭之溫綸大官之珍醢
駢至沓來公之轍竟不可挽而上不嫌其老也
公去國又若而年徜徉於虎丘洞庭之間鴻冥蟬
蛻業不自有具鼎鉉之責結盟于泉石薰德于鄉

葦霞續草

卷之六

二

三

間至屢天子之使臣隆褒蕃錫相望于里
門世人驚豔咨嗟以爲非常殊異之寵而上不
厭其煩也蓋公之遇合結知恩禮殷隆始終無間
真人臣所僅見疑若上之有私于公者然余觀
公在事之日宮府協和庶政無闕採權之使未興
公車之牘時下公得以雍容于調燮之地而展其
心力自公去而時事漸更日異而歲不同至于今
日綸扉尺地爲弄爲罔救過不贍而公已超然于
樊籠羈紲之外一切是非毀譽若空花飄絮不足
以入其靈府而損其天和造物之於公亦若善爲
之避就然者公殆天之私人歟自古言君臣之際
多歸之於天臣祝君則曰天保君祝臣則曰受天
之祜以一代恭隆之運獨萃于今皇以今皇
極盛之時獨公適逢其會以完其福履其爲受天
之祐庶幾如詩人之所稱述此真天之所開非人
力也余浮沈日久不自意繼公後塵瞠乎其不足
以望公之萬一乃上之所以待余者亦稍差次
于公公五十七而得謝余年頗相類而上猶苦
留余顧祈之疏至于百十尚不能得此必余之精
誠不足以動天其愧公多矣間嘗告公謂今之閣

葦霞續草

卷之六

三

三

臣非相而冒相名不任其事而受其責王文肅有言權輕于毛羽而罪重于丘山然則此官殆可能也公殊不以爲然於乎使有如公之名德謀猷得天得君受祜于身以及于天下長居此地又何必如余之過計哉余旦夕且行天子求舊念切將修潞公魏公故事以召公余終願借公以重此官矣

沈龍翁八十壽序

世之恒言曰祿位名壽以爲此造物之所靳不可得兼者也三代盛時其相臣如伊呂周召賁而有之其後郭汾陽文潞公庶幾嗣響明興鼎鉉之地益復寥寥惟洛陽劉文靖公年踰潞公名與位亦差稱可謂難矣今復有歸德沈公公在政地僅五年不能如潞公劉公之久然天下人自卿大夫以至童孺婦人女子無不知公之賢以爲真宰相而惜其有所齟齬參商不得行其志比公去位則又徬徨咨嗟爲世道扼掌今里居已五年又日夜

望公之出不啻宰歲蓋數十年來相臣之粹白完全爲天下人情所歸往未有如公者公以今歲登八十強健矍鑠無異少壯時度其年又非潞公劉公所敢望也爵位不足爲公重乃令聞令望壽考久長如此不亦生人之盛事聖代之休光哉世之稱公者曰批鱗補衮其忠也羔羊素絲其節也迴瀾柱流其標也介石冥鴻其操也豈不誠然要公之所以取信于人而人所心折以爲不可及者惟是好賢一念真誠懇切四方疎遠之士有以片善寸長入于公耳公未嘗不喜譚而樂道之又薦引

之也卽如不佞高之庸劣公亦逢人稱之至不容口秦誓之大臣微公其孰當之公旣歸而高遂自南來備員綸扉之末屬世路一更言事者如刺蜚引絕批根求多于執政而獨若稍寬于高者以爲此其人固沈先生所稱許欲引以自助者也夫微獨高卽天下之賢士大夫懼謠詠而逢贈繳者人咸爲之頌寃以爲此其人固沈先生所亟收爲夾袋中物者也蓋公身雖在野而其精神意氣之所貫通道德聞望之所歷服足以庇善類而正人心者其功力猶如此年來世事有如漏舟高自度其力不能補救每當籌結無聊時獨思公公來而官府之隔閡可以積誠通紳弁之煩囂可以正色奪中外之輟虞可以密籌運公奈何猶高卧也驚濤巨浪之中舟人束手而乃使長年三老從岸上坐觀豈不覆溺昔文靖公秉政十九年弼成弘治之治而潞公三入中書一平章軍國重事方宋之盛實賴其力公今所遭值難于二公而才具過之天而佑明必不能舍公矣天子聖明公自執經講帷卽受知遇其典秩宗時旦夕且爰立而屬有所忤謝歸遲之十餘年而始大用又不究其用以

去高竊度上心蓋不能一日忘公也公再召而來則伊呂周召之業將旦暮遇之又何論文靖潞公哉公嶽降之辰其門人御史大夫王公將遣使稱觴而以公實好余遂命余進一言爲壽余旣書此復王公因憶公嘗爲余言王公與寧陵呂公皆當世名臣宜急柄用二公皆公所舉士也今呂公尚淹林下而王公亦羈守封疆余之綿劣不能爲國薦賢率如此甚愧公矣甚愧公矣

少保崑田邢公偕配一品王夫人雙壽序

我明纓綬起家以武功著者自劉王二文成外不可多見威寧靖遠之勳至于裂土盛矣乃襄敏屢起屢蹶忠毅麓川之役得不償失一何難也今

上威靈震叠無叛不誅其大者為寧夏播州朝鮮三役寧夏吾重鎮也必滅此而後朝食播酋雖跋扈而其始固非有背亂啓疆之志也操縱得宜尚可就吾之控馭而不至竭天下之力以縻于一隅若朝鮮則世稱東番比于內臣吾祖宗實封殖之而一旦剪然使島夷得迫處此以與吾為隣患

若雲集

卷之六

八

三

無日矣而當事者猶欲款而縻之以幾幸旦夕之安計孰左焉少保邢公往以少司馬蒞播播人惕息不敢動公馳尺檄諭以逆順利害其酋遂自繫轅門請以四萬金贖而質其子于獄公具以聞報可其後疆吏失圖致會抗命天子不得已興兵誅之轉輸徵發之苦幾半海內雖卒抵蕩平然識者咸謂公之策得也倭夷江朝鮮數年三易帥矣而不能驅最後乃以公往公力排和議提十萬師渡鴨綠與倭力鬪于金山溟海間卒褫其颺近去朝鮮之得以休養生息者于今十餘年藩籬固

而遠左晏如雖宗社有靈然識者咸謂公之功

偉也公既振旅朝鮮獻俘闕下威名震于殊俗

天子為下璽書歌彤弓燕勞秩公三孤被以延世

之賞駁駁柄用而公念太夫人甚會徙官留樞遂

力請歸養舞綵稱觴為膝前之樂者又若干年今

歲已酉始登七十與厥配王夫人偕有三子皆以

文武世公之家其中子計部君之同年若詞林施

君輩來乞余言為公與夫人壽余嘗竊觀公所以

處播州朝鮮之事張弛異施操縱合度蓋真具文

武才庶幾有兩文成遺風而兩文成功名雖盛于

若雲集

卷之六

八

三

始終去就之際皆不無遺憾而公自納齋鉞于

朝幸方內輯寧封疆無警遂得托于功成身退之

義卷其所為安攘戡定之弘略以夷猶于北堂南

畝而世莫之奪可謂千載之奇遭矣然公身雖在

野而天子常念公功未嘗旦夕忘四夷八蠻偵

公之起居以為中國虎臣幾若方叔召虎尹吉甫

之在周公之能輕重于國家不以進退異一至于

此是詩人所謂萬邦之基為龍為光而壽考不忘

者也今西南東北蒙孽復萌當宁方有捐軀之恩

趙營平七十而平西羌且自譽曰無如老臣公受

國厚恩寧能無意于營平之業而余考公生平數
歷壯而仕者而懸車自縣令御史藩臬中丞以至
孤卿不過三十年乃功業所就已夔絕如此自今
以至百歲亦且三十年吾不知公所樹立又當何
如總挈而論七十之齡乃公方中之日也及于大
齊又善刀而藏之方將以千歲為崦嵫孰能窮其
際哉往者公自朝鮮凱旋余以軍吏請嘗有一言
紀公之伐今去之十餘年矣復為此以壽公要亦
掇拾前說于公無當也公如不鄙其與夫人共舉
千百歲之觴使佐史誦余言廣蓼蕭南山而進之

心震續章

卷之六

七

衡野劉先生七十壽序

衡野劉公以少宗伯歸田十六載于茲矣屬今歲
言者謂度常之選當慎非得端方鉅儒爲之師表
不可 天子乃卽家起公爲少宰使典教習其年
嘉平月公登七十門下士御史大夫涂公謂余夙
辱公知且知公徵一言爲壽夫余之辱公知則有
之其何能知公古之大臣知其人之賢則必薦之
讓之如陳蕃爲太尉讓于李膺婁師德薦狄梁公
畢士安薦寇萊公皆與之同相此乃爲相知耳余
在詞林于公爲晚進乃獵居政地不能爲仲舉之
讓又不能推明公之德業同升諸朝如婁之于狄
畢之于寇其安能自托于知公也雖然非但余也
世亦未有能盡知公者當萬曆初年柄臣當國任
寄獨專及其敗也士大夫之少有連者皆爲所濡
染其能稍爲異同者皆因以取名小失而大償公
以鄉里門牆之誼皦然不緼亦不緣此以自表異
而世不盡知公之介特自嘉隆以來作者代興詞
林爲盛公以博學宏詞翱翔于石渠金馬之間其
所撰著蔚然成一家言足以領袖同儕模範來許
而世不盡知公之文章近世士大夫爭進競趨傾

心震續章

卷之六

七

言不諱戈矛劍戟總爲一官卽素號賢者亦未免
情結于升沈較量于尺寸公角巾野服夷猶田里
佩衡蘭弄煙水竿牘不入國門姓名不登啓事脩
然若非復仕版中人者蓋踰艾以至今茲而世不
盡知公之恬退又其大者當元良未建國本危
疑二三禮臣相繼以忤旨去公抗疏力爭連合
廷臣叩關俟命上至爲危語相誅公守之自如
何而冠婚禮成而立繼之其羽翼之功著在
宗社者庶幾若留侯鄴侯而世不盡知公之苦心
夫寧獨不盡知公其誕悖之甚者且以公之居官
石霞續事 卷之六 三十三

與雙俱屈誰知其爲龍鴻之飛于天末也與燕並
翔誰辨其爲鴻故曰鴻冥曰龍德公殆似之今國
事艱難老成推謝天子慨然返公于朝必不但
以區區庶常爲足用公此亦公漸遠躍淵之時已
公出而羽儀朝端文明天下無偏無黨之心胸洞
然皎然足以聯衆志而渙小羣世道實有賴焉余
旦夕歸來且借公爲代以少逭其前此蔽賢之愆
不亦有厚幸哉然則公之壽乃天下之壽今者之
稀齡乃造福蒼生之權輿也彼徒一身之壽考久
長云者奚足以祝公公門下士甚多而余公最著
石霞續事 卷之六 三十三

有大功于塞上是師是弟子稱真知己而公有里
人蘇侍御潛甫者亦每爲余言公於乎豈可謂世
盡無人知公哉余則媿矣

許母舒老夫人八十壽序

許敬庵先生之撫吾閩也察吏詰奸治兵固圉孜孜以愛養小民保障一方爲事幕府稍暇輒延見士大夫諸生講論發明道德性命之奧學術異同之辨亮壺不休而其大指則在于尊躬修務實踐排黜玄虛要渺謬悠荒唐之說其言出入六經貫穿諸儒淹洽宏博聽者每爲忘倦卽吾閩人素不善言學然亦知先生之學問真有所自得非如世之高標門戶剽竊一二緒言輒侈然自以爲獨柄在手欺世取名者比也先生于諸薦紳最善其同

卷之六

上四

二百十六

年今大司空林仲山先生其所推引後輩謂可進于道者莫過于余余曾爲文壽先生言秦漢以後聖學榛蕪爲日久宋儒崛起紹其傳于千百載之上其人皆斤斤尺寸準于先民故常患道之不明而不患其不行 國家尊崇正學統一聖真燦然如日中天而士人立身行已遠不如宋儒故常患道之不行而不患其不明先生讀之甚有當于心也其後先生徙貳南樞余以校士入留都周旋旬餘日握手歡甚何先生以少司馬召入遂不就拂衣歸不數年沒矣當先生在留都九卿中

卷之六

一五

百七

亦有聚徒講學者其說與先生異先生雖不欲作分別見而亦不肯舍所學以徇人于是鴛湖之論始岐而左袒彼說者且詆訾先生以自爲名先生之學幾晦迨先生沒而士大夫追思其生平視躬居官之大節與其進退去就之際矚然不縱乃復相與頌說稱慕其爲人以爲真儒者也余待罪綸扉忝職無狀深負先生之期許每念先生而在必有以教余而匡其不逮顧今不可得矣容有習先生事者時言其配舒夫人之賢與先生相莊白首無間余亦素聞之私念以先生之清貞履道不營生產歷官所至皆垂橐而歸爲吏部日盜入其室不得一錢以貳卿謝事至僦屋以居貧乏如此而支持門戶酬應賓客四方學者肩摩踵接供具不乏此非閭內有人解佩脫簪拮据中饋何以能爾然則先生之爲醇儒爲良吏爲名臣夫人之助蓋不小矣先生沒而子尚幼亦賴夫人教誨能世其家坤之六三曰無成有終說者以爲此臣道也而通于婦道若夫人之相先生雖無成而成矣且有終矣先生之學在乾之九二終日乾乾夫人以六三配之天作之合固自不偶獨惜先生見龍之業

未究黃裳元吉將在夫人自此而期頤百歲壽考
無疆是壯馬之行地用六而利永貞孰能限之余
既感念先生及夫人之誕辰欲以一言為壽屬先
生門下士方子振與其儕輩謀遣一介壽夫人來
乞余言余為書此使祝者佐觴蓋去壽先生時已
二十餘年不勝今昔之感夫人其為余瀝酒以告
先生可也

冬令

卷之二

一百廿五

誥封俞母徐太夫人七十壽序

歲在庚戌吾郡歛守主爵難其人今大夫喻公方
被命守長沙余與公嘗共宦留都知其賢則告
主爵移公于吾郡郡人未習公者或語余守也才
惟子之德不然惟子之咎余唯唯公蒞郡未浹月
頌聲大作諸士民至都下者咸言守心如水操如
冰觸事如神明坐堂皇如虛室積年逋牘為之一
清列邑晏然無追呼之擾其以事詣郡者朝至暮
歸不齎宿糧而又和風暖日人人可親自僚屬縉
紳以至小民歡然無間蓋從來良二千石未有過
焉者也于是郡人復相率謝余其遠者則以書來
謂微子安得此賢使君即余亦自喜藉公以有辭
于鄉邦之父老謹拜公之賜而當公之赴郡也欲
過里視其母徐太夫人輦與俱去余謂貴陽萬里
往返跋涉且郡方急守宜即之官公不得已驅而
行既浹歲郡中大治則使一介告余吾母明歲登
七十吾羈宦海邦不得稱一觴膝下願假子之言
以祝而吾郡人被公之澤歸德于太夫人者亦無
不西向稽首願其壽考久長以安公于官則余之
祝太夫人非但以仲公為子之情亦將以伸吾郡

人之情也余又聞太夫人故名家女其事太翁以勤儉宜家太翁廢賈而貧甚至日中不能舉火太夫人拮据治生蚤作晏休率先婢僕無敢惰者一日甌粟竭脫簪珥命公往市公遇持左氏春秋者遂貿以歸太夫人笑曰市粟得書兒腹果然吾亦不餒矣公既貴迎養宦邸每遇兼味輒不啻曰兒不念食貧時耶窮能力貴能思余于太夫人見之昔翟方進之母以織履資方進為學卒至通顯而陳堯咨守荆南母馮氏問以典藩政績堯咨以善射對母曰汝父訓汝以忠孝輔國家今不務仁政善化而專一夫技耶古今賢母固多然此二母者處貴賤之際其識度卓絕如此尤為難能以太夫人視之豈有遜焉貴陽去海上遠不知公之治行能一一達之太夫人否公今馳一觴壽太夫人太夫人必進使者于庭問吾兒為守何狀使者其以所親聞士民所頌說者具言之太夫人必喜以為此賢如馮氏所不能得之子者而吾幸得之吾兒其舉兒之觴而吾郡儉薄無他產甘鮮海錯之類非遠道所能致公又承却鮮還金之訓一無所遺即吾士民欲有所自盡于公以為太夫人歡其安

所效之母亦稱兒觥于公堂而侑以余言附使者而西太夫人讀之將愈益喜曰此鄉縉紳之言質而無文當必不謬其為郡人加酌若是則庶幾可以壽太夫人乎雖然公治行未易殫述余言僅梗概耳太夫人甚強健儻御板輿一至太守舍親睹其行事其為喜當何如也

鴻宇陳公八十壽序

自余為諸生則知吾鄉有鴻宇陳公真長者也公以名孝廉久困公車乃去為安陸博士遷令東安東安故獫狁窟穴邑治草創編戶無幾寇環其疆蒿萊蔽野公拊循綏輯不遺餘力度地制產俾有寧居期年而穰三年而又比及六年物阜民康野充屏息屹然稱壯邑矣以治行以勞皆居異等乃僅遷守鎮安未幾而按粵者復脩途迎之郊奪公官公笑曰吾秋風三逕無恙何所不適但不能自免而為人免以此愧陶令耳解組歸閉門掃軌謝

卷之六

廿

三

絕塵紛三山都會之區冠蓋絡繹公一無所請謝凡吏于茲土者多不識公面惟與二三友人日相過從為詩酒之歡然亦取適意止耳不濡首不疲神也晚稍好西竺家言頃誦膜拜晨夕不輟五官之用無異少壯時今歲登八十矣有九子十孫五曾孫皆能讀書世其家而孫善長遂舉癸丑進士里閭間無不豔公福履之盛為一時僅見而推本于公之盛德以為公厄于一第躋于一官宜其取償之如此也余聞之公在東安時以計誅劇賊龐貴十所全活生靈無算武弁提兵千取境上猴掠

其所部弁懼罪使其黨誣居民為盜以自解坐大辟者二十五人公爭之強辨之力當道無以難卒聽公即此二事公之德大矣昔于公鳴孝婦之冤為太守所格程仁霸與眉山尉爭盜獄尉竟殺盜然于公用此高其門仁霸壽登大耋子孫皆貴顯彼其所欲生者僅匹夫匹婦且終不能得而食報猶爾公奪二十五人于狴犴之中斧鑕之下使之復覩天日其視于程二公何如也然則公之遐齡眉壽與其子孫之昌熾寧有艾哉吾鄉山川清淑其靈秀所鍾士大夫多名德耆英如香山洛社之輩代不乏人余往遊三山時尚有數公皆皤然黃耆去之十餘年凋零將盡幸有公在猶足存先輩儀刑為鄉邦重而善長為余所舉士方需次天曹請急歸壽公余以鄉里通家之好聊附一言使陳之觴次顧甚愧冗猥不能文無當于公客有壽公者其尚因吾說而廣之庶以佐公懽焉

卷之六

廿

三

封君見峰張公壽序

宮諭張公守官都下時時欲乞歸余問其故則云家有老親年近九十不能久違膝下耳余問君有兄弟乎曰有三兄四弟然不能代吾養也余謂君但安于官君之親必安于兄弟可以無歸維時天子深居日久臣下以急請者率寢不報宮諭公不得已留然意終不懌公之尊人見峰先生知之曰奈何以老人故使兒曹不得安于官哉乃攜宮諭之孥自家馳至燕就邸中養甚款不數月又思歸曰吾尊雖無恙不能從兒曹久徇長安塵也于是宮諭公不得已以使事奉先生歸時先生年已八十加七矣飲食起居如少壯人五官之用有加而無減望之者翩翩乎若藐姑射之仙非塵世中人矣先生有八子十六孫二壻一縣令一孝廉縣令之子又與宮諭公同官翰林其福履之盛在生人之倫罕有其比然生而蚤孤倚慈親爲命二弟幼賴先生而立比析產獨居其瘠又久困諸生間家日益落宮諭兄弟當就塾至不能具脩脯躬自教授膏燭不繼常暗中捉耳誦說亦可謂窮困矣造物之于先生何其高于前而豐于後耶乃先生

震綺堂卷之六

三

三百七十一

行誼固甚高以倫常視躬以信義接物以正直忠厚處鄰里鄉曲意之所投雖窮困必恤有所不合卽貴勢有力侃侃發舒無所撓避于辭受取予尤極斤斤當食貧時每經用不給輒捐產產垂盡終不肯妄名人一錢生平爲德于人甚多未嘗望報卽所卵翼而成者或有不慊于衷終亦不較也宮諭公旣魁大廷名滿天下先生時戒以挹損勗以敬慎淡泊其來邸中屬懸弧之辰諸與宮諭公同官同年者相率稱觴爲壽先生輒辭讓不敢當惟聞朝廷大政事大典禮有所舉行則歡然開顏

震綺堂卷之六

三

三百七十一

惠公以狀元拜相其父省華尚在每對客文惠侍
立客踧躅不自安近時李文定公亦以廷對第一
人罷相歸猶及奉其尊人世謂爲盛事吾知宮諭
之將繼其闕矣宮諭公友人宮允龔君輩以先生
行乞余文爲壽而余門人呂公原亦云先生欲得
余之一言也余時聞公原誦說先生不勝向慕之
私故不敢辭顧自愧不文無能爲先生祝惟是稱
引文惠文定庶幾有當先生先生得毋曰老夫耄
矣望不及此所願兒曹爲孝先爲希文耳若是則
先生父子間所自爲壽乃更大也

鄧母莫孺人壽序

東粵鄧子鳴璐將壽其母莫孺人徵言於余鄧子
者余年友太史梅源公之子也太史曩與余讀書
中秘歡若親弟兄余愛其人其文以爲宜壽也而
弗克壽至今盡然傷焉自太史沒而孺人稱未
人矢死靡慝幾三十年乃茲有今日者則孺人甘
荼茹蓼之日也稱壽於甘荼茹蓼之日也者何居
曰孺人非以身壽也以太史之身壽也太史已矣
焉爲乎孺人壽之也孺人代太史終者也結禱而
奉君子曰君子吾身也若以代終則猶然君子之
身也君子之所欲終者二當其爲子則欲終其親
也當其爲父則又欲終其子也親與子君子之身
也故君子欲終焉人不可以無年非貴年也貴以
其年爲高堂之愛日庭趨之寸陰也當太史棄孺
人時而母已耄矣旦暮之人不能終事悲乎哉孺
人退而茹泣進而勉爲色笑以慰姑心也甘毳之
奉殷殷從十指出孰使太孺人無子而有子者非
孺人乎孺人之壽太孺人也以太史壽者也太史
尚亦有孤孤僂然也閭閻萬里所不轉之溝壑者
公幾耳孺人課二孤讀也丙夜杼聲凄然雨泣長